

Toshkent davlat tibbiyot universiteti 1-son Oilaviy shifokorlik, jismoniy tarbiya, fuqarolar muhofazasi kafedrasining ZOOM orqali o'tkazilgan ma'naviy-ma'rifiy tadbirlar bo'yicha Ma'rifat darsi


BAYONNOMASI № 13

24.11. 25 yil



Toshkent sh.

Qatnashganlar: Kafedra ass. Ochilov B., Shayxova M.I. va kafedrada tahsil olayotgan talabalar

Ushbu mashg'ulot zo'ravonlik tushunchasi, uning turlari va oqibatlarini anglash hamda ularning oldini olish yo'llarini ko'rsatishga qaratilgan. Dars interaktiv usullarda – videorolik, guruhli muhokama, savol-javob tarzida olib borildi. BMT Bosh Assambleyasining 1999-yil 17-dekabrdagi rezolyutsiyasiga ko'ra 25-noyabr Xalqaro ayollarga nisbatan zo'ravonlikka qarshi kurashish kuni deb e'lon qilingan. Shu munosabat bilan har yili dunyo miqyosida 25-noyabrdan 10-dekabrgacha "Zo'ravonlikka qarshi 16 kun" faol harakatlar doirasida turli tadbirlar o'tkaziladi.



Gender zo'ravonlik – bu faqat shikast yetkazish emas, balki inson qadrini, huquqini, erkinligini tahqirlashdir. Bu faqat ayollarga emas, ba'zi hollarda erkaklarga nisbatan ham sodir bo'ladi. Oilaviy zo'ravonlik (abyuz) – bu hozirgi yoki sobiq turmush o'rtoqlar o'rtasida sodir bo'ladigan jismoniy, psixologik, jinsiy yoki iqtisodiy xarakterdagi harakatlar, shuningdek, qarindosh bo'lgan, ularning huquqlari, erkinliklarini, qonuniy manfaatlarini buzadigan va ularga jismoniy va (yoki) ruhiy azob-uqubatlarni keltirib chiqaradigan odamlar o'rtasida sodir bo'lishi mumkin.



Zo'ravonlik turlari:

1. Jismoniy – jismoniy salomatlikka zarar etkazishga qaratilgan harakatlar. Tan jarohati yetkazish, kaltaklash, urish.

2. Psixologik – psixologik salomatlikka zarar etkazish. Xo‘rlash, tahdidlar, aldash, shantaj, nazorat.
3. Jinsiy – aldash, shantaj yoki kuch bilan jinsiy harakatga majburlash.
4. Iqtisodiy – ishlash, o‘qish, o‘zingiz uchun zarur narsalarni sotib olish, xarajatlar va daromadlarni nazorat qilishni taqiqlash shaklida namoyon bo‘ladi.
5. Kiberbulling (kiberhujum) – Internet texnologiyalaridan foydalangan holda ta‘qib qilishning bir shakli. Uning namoyon bo‘lish shakllari har xil – haqorat, shantaj, tahdid, tuhmat, ta‘qib va hokazo.

O‘zbekiston Respublikasi Konstitutsiyasining 26-moddasida “Insonning sha’ni va qadr-qimmatini daxlsizdir. Hech narsa ularni kamsitish uchun asos bo‘lishi mumkin emas. Hech kim qiynoqqa solinishi, zo‘ravonlikka, boshqa shafqatsiz, g‘ayriinsoniy yoki inson qadr-qimmatini kamsituvchi muomalaga yoxud jazoga duchor etilishi mumkin emas” deb belgilab qo‘yilgan. Demak, hech kim boshqani haqorat qilishga, kamsitishga yoki zo‘ravonlik qilishga haqli emas.

Mamlakatimizda oilaviy zo‘ravonlikka chek qo‘yish hamda jamiyatda ayollar va erkaklar teng huquqliligini ta‘minlash masalasida so‘nggi yillarda jiddiy qadamlar tashlandi, katta ijobiy o‘zgarishlar bo‘ldi, bu borada qator Qonunchilik hujjatlari va huquqiy mexanizmlar joriy etildi.

“Inson” ijtimoiy xizmatlar markazi – bu O‘zbekiston Respublikasi Prezident huzuridagi Ijtimoiy himoya milliy agentligi tizimida faoliyat yurituvchi tashkilot bo‘lib, ijtimoiy himoyaga muhtoj shaxslar va oilalarga mahalla, tuman va hudud darajasida yordam ko‘rsatishni maqsad qilgan.

Kafedra mudiri, t.f.d., prof.



Shamansurova E.A.

Ma’naviyat va ma’rifat ishlari

bo‘yicha mas’ul, ass.:



Shayxova M.I.